



Titiraqhimayangit uumani Vutiqtuliriyikkut Nunavunmi 2017

Turaarvigilugit Vutiqtuliriyikkut Nunavunmi
ilitturiyumagungni ilitariyaayunut Nunavut uqauhianut.

 867.645.4610

 Toll free 1.800.267.4394

 867.645.4657

 Toll free 1.800.269.1125

 info@elections.nu.ca

 <http://www.elections.nu.ca>

 Box 39, Kangiqhiniq, NU X0C 0G0

 41 Sivulliq Ave. Kangiqhiniq

 Elections Nunavut

 Elections Nunavut


Iluliit

Hivunirhuut	1
Vutirnarnirmut Tatqiqhiutit	2
Vutirvikhaa Ikaarnikkut Tatqiqhiut	2
Kingvani Vutirvikhanut Tatqiqhiutaa	4
Vutiqtaunahurittuq	5
Kina vutiqtaunahurittaqa	5
Kina vutiqtaunahurilimaitpa	6
Naniliqqaq vutiqtaunahurittuuniq	7
Vutiqtauyuq akigaqtuqtaunnginami	7
Qanirinniaqqa vutiqtaunahurittup ihumani aallangurumiuk	7
Qanurinniaqqa vutiqtaunahurittuq huiqqat	8
Tuhaqtittidjut Vutiqtaunahurinnirmut	9
Maniliqiyi	9
Vutiqtaunahurittumut kamayi	10
Tuyuiniq tuhaqtittitjut vutiqtaunahuarniarnirmik	12
Utiqtittiyip angiqpagu tuhaqtittitjut vutiqtaunahurinnirmut	13
Utiqtittiyip qinngiqpagu tuhaqtittitjut	15
Utiqtittiyip angiqqagu tuhaqtittitjut, kihiani tuyuibluni tuhaqtauyukhamik	15
Vutiqtaunahuarniq	17
Vutiqtaunahuarnirmut manikhat	17
Vutiqtaunahurinnirmut qanuriliurniit atuqtauyullu	18
Vutiqtittinirmut tuniyauyut	20
Vutiqtaunahuriinirmut maniktuutit	22

Vutirnirmut manngit utiqtittjutit	24
Manngit titigait.....	24
Ikpingnaqtut umikvik.....	25
Inungnut angmaumayut titiqqat	26
Vutirviup uplua	27
Vutiqtaunahurittut kivgangit vutiqtittivikmit.....	27
Kina vutiqtauva.....	28
Qanurinniaqqa malruuk vuiqtaunahurittuq atjigiktumik vutiqtaukpata	29
Ahiruiniq <i>Nunavut Vutirnrmut Maligaanik</i>	30
Qanuritpat ahiritjutit maliganik.....	30
Inuk ihuinaqqat, qanuq piyauniaqqa.....	31
Kina unnirluktaqqa ahiguinahugiyaminik	31
Kia unnirluut ihivriurniaqqauk.....	31
Maliguaniarniraqtumik angirut	32
Vutirnikhanut Tukiliutait.....	34
Vutiqtaunahurittut naunaiyautait.....	47
Vutirnaqhitiagu.....	47
Vutirnaqhitiagu - Vutirviup Upluanut.....	48
Vutirviup Uplua	49
Vutirviup Upluata kinguani.....	50
Uktuutit Titiqqat.....	52

Hivunirhuut

Una Maliguagakhaq nainaqhimayut ilainnik *Nunavut Vutirnirmut Maligaa*nik -maliktakhait vutirniaqtillugit maligaliuqtikhanik Nunavut Maligaliurviannut. Vutiqtaunahurittut maliguarlugu maliguagakhaq, ahidjinnigituq maliganik.



Una Maliguagakhaq hivitujunik ilittuqhautikhaqaqtuq:

- Kina vutiqtaunahurittaqa vutiqtaunahurilimaittqalu.
- Takuhiuriuq vutiqtaunahurittut qanuriliurutikhainnik, qakugulu qanurlu vutirnaqhitanagu.
- Atjingit titiqqat atuqtauyariaqaqtut ittutik vutiqtaunahurittumut.

Maligaugakhaq ilittuqhautikhalik vutirnikkut vutiffaarnikkullu. Ilangit maligat atjigiiktut tamarmingnut. Una Maliguagakhaq takuhgiuriuq aallangayunik maliganik vutiffaarnirmi.


Atuni vutiqtaunahurittut maniliqiyiQARIAQAQTUQ. Vutiqtuliriyikkut Nunavunmi ahiinik ilittuqhautikhanik piqaqtut vutiqtaunahurittup aturumayainik:

- Maligautik Maniliqiyinut
- Maligautik Vutiqtaunahurittup Kamayianut
- Vutiqtinut ilittuqhautit
- Maligautik *Nunavut Vutirnirmut Maligarmut* - naittuq
- Vutiqtauviit nunait
- *Nunavut Vutirnirmut Maligaq*

Hivayarlugit Vutiqtuliriyikkut Nunavunmi atjinginik piumaguvit, ilitturiyumagunni ilitariyaayunut Nunavut uqauhianut.

Vutirnarnirmut Tatqiqhiutit

Una vutiqtuliqiniq aullaqtilihaaqhimayuq 35 nit ublungani vutiqtinnatit Vutirvikhaq Ublungani iniqhimavlutiktauq Vutirvikhaq Ublungani. Kinguani vutirvikhanut tatqiqhiut 60 ubluit kinguttiangani vutirnaup ubluanit.



Tamainnut vutirnirmut, vutirviktaqhaarutaa pigiaqtaqtuq 90 ubluit hivuani vutiqtittinirmut tilihidjut tuniutaungmat iniqhunilu CEO hatqitimmagu vutiqtittinirmut tilihidjuti.

Inmikkuurniq vutiqtunit, vutirviktaqhaarutaa pigiaqtaqtuq ublurmi inuluktaat tuhaqtaungmata iniqhunilu CEO hatqitimmagu vutiqtittinirmut tilihidjuti.

Vutiqtaunahurittut maniliqiyiillu maligiaqtaqtut kigliqarutauyunik vutiqvikhaa ikaarnikkut tatqiqhiummik unalu kinguani vutirvikhanut tatqiqhiummik.

Vutirvikhaa Ikaarnikkut Tatqiqhiut

Ikpingnaqtut Uplut	Qanuriliuqtaniarmangaat uplungani
35 ublungani Vutirvikhaq Ublua tikitinnani	Vutiqtuliriyinut Atanguyaq (CEO) turaaqtittiyuq ilitturvikhainnut maligaunmik tamainnut utiqtittiyinut (RO). Tamaat RO nivinngaqhiivlugit havagviani.
	Hivunngani inuk atiliuqhimalaaqtaa titiraqhuni uqariiyauyuq vutirvikhaitigut.
	Hivunngani inuk atiliulaaqhuni ahikkut, titiraqarvikkuuqtuq vutirunmik.
34 ublungani Vutirvikhaq Ublua tikitinnani	Vutiqtuliyiyikkut Nunavunmi turaarvigivluniuk Vutiqtinut Ilitturvikhangit tamainnut vutillaqtunut titirariiqhimayumi.

Ikpingnaqtut Uplut	Qanuriliuqtaniarmangaat uplungani
31 ublungani Vutirvikhaq Ublua tikitinnani	2 pm nutqarutaa (nunaqatimingnit ubluqhiutaani) atiliuriangani uqariyaunmik vutiqtuliqinirnut. 5 pm nutqarutaa (nunaqatimingnit ubluqhiutaani) piyumangitkumi uqariyaunmik.
29 ublungani Vutirvikhaq Ublua tikitinnani	Vutiqtuliriyinut Atanguyaq turaaqtitivluni vutirvikhanut naunaitkuhirmik tamainnut Utiqtittiysi vutiqtaunahuritturlu.
14 ublungani Vutirvikhaq Ublua tikitinnani	Hivunngani ublungani vutiqtut vutilaaqtut utiqitittiyp havagvianut—uvanngat 12 ublumi 7 pm unnuktumi nunalip ubluqhiuta.
7 ublungani Vutirvikhaq Ublua tikitinnani	Ingilralaaqtut vutirvik tamainnit nunalingni 9 ublaami 11:30 ublaami nunalip ubluqhiuta. Vuutirnariirniq 12 ubluummaanmi 7 pm unnuktumi.
5 ublungani Vutirvikhaq Ublua tikitinnani	Hivunngani vutiqtit vutirumayuq tiliurutaanik pilaaqtut hamanngat Vutiqtuliriyikkut Nunavunmi. Maligiaqaqhutik ilikkut.
4 ublungani Vutirvikhaq Ublua tikitinnani	Kingulliq upluq vutiqtaqtut vutirviat Utiqtittiyp havagviani.
Vutirviup ublunga	3 pm ubluummaanmi nutqarutaa (nunalip ubluqhiuta) atiliuriangani vutirumayunut ilitaridjutikhanik.
	Ahikkut vutirunmik tuniyauyukhat 5 pm unnuktumi ilalaitkumiluuniit.
	Vutirnaqtumi: 9 ublaami 7 unnuktumi (Kivataanirmiut).

Kinguani Vutirnirmut Tatqiqhiutaa

Ikpingnaqtut Uplut	Qanuriliuqtaniarmangaat uplungani
10 ublungani kinguani Vutiqtuliqinirnut Ublungani	Vutiqtaunahurittut unguvaqtakhaat tamaat vutirutikhanut parnautingit.
60 ublungani kinguani Vutiqtuliqinirnut Ublungani	Vutiqtaunahurittut maniliqinikkut kivgaqtiit iniqhimayakhaat atiliuqtakhaallu vutirutikhainut maniliqinikkut utiqtakhaat.
	Vutiqtaunahurittut hiqumittakhaat tamaat titiqqait vutiqtut tuniyauhimayut, uuminngalluuniit utiqittiyakhaat uvunga Vutiqtuliriyikkut Nunavunmi.

Vutiqtaunahurittuq

Una vutiqtaunahurittuq inuk vutiqtauyumayuq tuhaqtittitjutaa angiqtauhimayuq malikhugit maliguagat *Nunavut Vutirnirmut Maligaani*. Vutiqtaunahurittuq inuk katimayiuyumayuq Maligaliurvingmi, kivgaqtuqtuq inungnik vutiqtauhimavvingmit.



Kina vutiqtaunahurittaqqa

Vutiqtaunahurittaqtutit imaitkuvit:

- Vutiqtaruvit Vutirviup Upluani.
- Taimaqtitauhimanngitkuvit.

Vutiqtaqtutit imaitkuvit:

- Kanatamiutauguvit.
- 18-nik ukiuqaruvit aniruqlugilluuniit Vutirviup Upluani.
- Nunavunmiutauguvit ikitqiarinngitaanik atauhiq ukiuq Vutirviup Upluanit.
- **Vutiffaarniaqtunituaq:** Nunaqariaqaqtutit vutiqtauvingmi Vutiqtuliriyikkut Nunavunmi tunihikpat tuhaqtittitjunmik.

Vutilimaittutit imaitkuvit:

- Apirhuiyit uqarhimakpata kangiqhianggitatit hulitjutitit – ilingnut ihumaliulimainnavit. UVVALUUNIIT
- Ahiguihimaguvit maliganik Maligaryuanit nayugaqaruvit ihumakluktut aimavianni. UVVALUUNIIT
- Ahiguihimavugit vutirnirmut maligarmik humiliqaak Kanatami kingullini talimani ukiuni, ihuinaqniqaqtauhimaplutit.

Vutiqtaunahurttuulimailutit vutiqtauguvit vutirniq atulimattuq.

Vutiqtaunahurittuq atiliulimaittuq humigliqaak, akimanniruvit, imailinnaqtumik:

- Taimaqtitlutit ikhivautarnit Maligaliurvingmi apiriyauguvit.

uvvaluuniit

- Uplua naunaiqtauhimannigilluni taimaarvikhaq itpat Maligaliurvingmit.

uvvaluuniit

- Inmiguuqlutit hulilimairuvit Maligaliurvingmi.

Amihut havaktittiyut, huurlu Kavamangani Nunavut, maliguagaqaqtut atuaganiglu qanuq havaktut ilauttariakhaita kavamaunirmut huliitjutinut vutiqtaunahuarnirmilu. Hivayarlugit havagvitit maliguagaqqat uvvaluunniit atuagaqaqqata maliguakhangnik vutiqtaunahurittumalutit. Huurlu, havagvingnit havangitlutit piyukhaugavit vutirnaup ubluinit.

Kina vutiqtaunahurilimaitpa

Vutiqtaunhurilimaittutit, imaitkuvit, upluani tunihivingni tuhaqtittitjutingnik vutiqtaunahuarnirnik ilvit:

- Vutiqtaunahurihimaguvit kingullirmi vutirnirmi tunihihimannigittutillu maniktuutit titigainnik tunihivikhaani.
- Havakkuvit Vutiqtuliriyikkut Nunavunmi.
- Qimallanngitkuviuk havaat havakkuvit Nunavut Kavamatkunginut.
- Ilauguvit Maligaliurvikyuanut, Senatekunut, maligaliurvinulluuniit aallami aviktuqhimayumi.
- Apirhuiyiuguvit, kihinngurlugu nunamiutaulirnirmut apirhuiyini.
- Itiqtauhimaguvit itiqtauhimmaaqhutit Upluani Vutirviup.
- Malinngikkungni maligialik angiqatigiigut kingullirmi vutiqtittinirmit.
- Itiqtauyukhaugavit vutirnirmut hiqumittiblutit Nunavunmi Kanatamillu ukiunit 5-nik qaangiqtunit.

Ilauyuq Maligaliurvingmut qimaktaqtaa ikhivautani apirhuqtauyariaqalirumi ihuinaqniqaqtauhimagumi ataagut Nunavut Kanataupluuniit maligaitigut. Una inuk ukiut 5 kinguniagut vutiqtaunahuriffaaqtaqtuq vutiqtauvia vutiqqata aallamik inungmik himmautiginiaqtamingnik.

Naniliqqaaq vutiqtaunahurittuuniq

Vutiqtaunahurittuut atauhirmut vutiqtauvvingmit. Vutiqtaunahurittuutit naniliqqaaq Nunavunmi vutiqtauvvingnit, nunagiyarnit kihimiungittuq.

Vutiqtauyuuq akigaqtuqtaunnginami

Vutiqtauniq akigaqtuqtaunnginami imaa tukilik atauhiinnaungmat vutiqtaunahurittuq akimavaktuq vutiqtuqaqhimaittumik. Atauhiq inuk tunihiyuq vutiqtaunahurittuq Maligaliuqtinnguqtuq vutiqtauvvingmut.

Qanurinniaqqa vutiqtaunahurittup ihumani aallangurumiuk

Vutiqtaunahurittuq titigariaqaqtuq Utiqtittiyimut ihumani aallangurumiuk vutiqtaunahuarumahiuqhuni. Titigariaqaqtuq titiqqillugu, atiliuqlugu, tunilugulu 5-mungaqtinagu nunamini, 31 uplut hivuani Vutirviup Upluanit ilitarimayauyangani taimarnia – piirlugulu atia vutiutikhanit. Malruk vutiqtaqtuk vutiqtauvvingmit ilumuuqtitauyarialgik atiliurlugulu titigaq. Vutiqtaunahurittuq utiqtilviuyunaittuq \$200-mik akiliqhimayaminik.

Vutiqtaunahuarittuq taimarluni amugumiuk umikniagut atauhiinauliqqat aalla vutiqtaunahurittuq, tamna aippaa akimavaktuq akigaqtuqtaunnginami. Amigaitpata vutiqtaunahurittut, vutirniaqtut. Kihimi atia taimaqtup piiqtauniaqtuq.

Vutiqtaunahurittuq taimarluni amuhittaqtuq umikkaluaqtillugu kihimi atia aulayunaittuq vutiunmi – atiliuqhimayamingik tuyuraluaqtillugit Utiqtittiyimut titigaqtamingnik.

Qanurinniaqqa vutiqtaunahurittuq huiqqat

Vutiqtaunahurittuq huiqqat umikvia tuhaqtittitjutinut aniruqqat hivuanilu vutirviit umikniita Vutirviup Upluani;

- Vutirniq talvunga vutirtauningmut nutqaqtitauyut.
UVVALU
- Nutaaq vutirnikhaq aularutikpat talvani vutiqtauningmi.

Vutiqtuliriyikkut Nunavunmi huunngiyarniarait tamaita utuqqat vutiutit nutaamik vutirvikhamik tuhaqtittigumik.

Tuhaqtittidjut Vutiqtaunahurinnirmut



Tuhaqtittidjut vutiqtaunahurnnirmut titiRIALIK uqariirlutit vutiqtaunahurittumagavit, tikkuaqhiniarlutillu maniliqiyikhamik.

Titiriami uhaqtittidjut vutiqtaunahurinnirmut, ilittuqhimayut pihimayugit:

- Vutiqtaunahurittuup tamaita atingit, titiqqiqivvikkut apqutiblu turaarutaa, talafuungata, qaritauyakkut turaarvigiluniluuniit, ahiilluunniit turaarvigiyakhaita havaktauniarluni ilitturvinga.
- Maniliqiyip tamaita atingit, titiqqiqivvikkut apqutiblu turaarutaa, talafuungata, qaritauyakkut turaarvigiluniluuniit, ahiilluunniit turaarvigiyakhaita havaktauniarluni ilitturvinga.
- Vutiqtaunahurittumut kamayip tamaita atingit turaarvigiyakhaita havaktauniarluni ilitturvinga

Vutiqtuliriyikkut Nunavunmi angiqhimagumi tuhaqtittidjut vutiqtaunahurinnirmut, taamna inuk vutiqtaunahurittunnguqtuq. Vutiqtuliriyikkut Nunavunmi qingiqhimagumiuk, vutiqtaunahurilaittutit.

Maniliqiyi

Vutiqtaunahurittuq tikkuaqhiyaRIALIK maniliqiyikhamik. Vutirlutit iniqtirinatit tuhaqtittitjunmik vutiqtaunahurinnirmut. Maniliqiyi aulapqaiqattaqtuq vutiqtaunahurinnirmut maningnik, tuniyayunik atuqhimayainilu. Pilutit inungmik nakuuyumik hapkunani.

Maniliqiyi Nunavunmiutauy**ukhaq**. Maniliqiyi imaittuulimaittuq:

- Vutiqtaunahurittuq.
- Vutiqtuliriyi, kinliqaak havaktuq Vutiqtuliriyikkut Nunavunmi.

- Nanminiqutaunngilluni, maniliqiyiuluni nanminiqutaugumi Nunavunmi naammaktuq.

Kinaliqaak maniliqiyiuttaqtuq, ilaruhirigaluaruviuk.
Naunaiqhimalugu kihimi naunaiyaiyakhaa havarvingminit maliguaquplugu maligainnik atuagainniglu havaliqtinagu.

Maliqiyi taimaaqqagu havaa: Manliqiyikpit taimaaqqagu havaa uvvaluuniit vutiqtaunahurittup taimaaqtitpagu huurliqaaq, vutiqtaunahurittuq tikkuaqhiluni nutaamik maniliqiyimik qilamik. Imaillutit:

- Iniqtirlogu iniqtigakhaq titigaq qilamik aulaqtillugu Utiqtittiyimut..
- Titigaqlugit pidjutait maniliqiyik taimaarmat havaani, ublurlu havaa taimaarmagu.
- Qimailuni 'kingulliq' maniliqiyigaluat tunihiyakhaa hunanigliqaak pidjutiliit vutiqtaunaruhinnirmut maniliqiniit: maniqarvingmit titiqqat, taksiiyautikhat naunaitkutit, tuniyauhimayut, naunaitkutit niuviganit, akiliqtauhimayut akiliqtauhimanngittut, hunalliqaaq turangayut vutiqtaunahuarnirmut.
- 'Nutaaq' maniliqiyi ilitturutiliqqaat pilugit.
- 'Nutaaq' maniliqiyiup ahidjirlugit atiliurutitiit vutiqtaunahurinnirmut maniqarvinganit qilamik.
- Tunilugu 'nutaaq' maniliqiyi adjiinik titigaqmik Utiqtittiyumut tuniyangnit, takukhautillugu havaakhanganit.

Vutiqtaunahurittumut kamayi

Maligat uqaqhimanngittut vutiqtaunahurittuq kamayiqarluni vutiqtaunahurinninganut, kihimi nakuutiqaq. Ihariahungniaravit kamaguhuktukhamik. Kilamik pilutit vutiqtaunahurinnirnut kamagiyikhamik iniqtiritinatit tuhaqtittitjunmik vutiqtaunahuarnirnik.

Vutiqtaunahuarnirnut kamagiya ihuaqhaivaktuq ukuninga:

- Tuutauyanguanik, taigukhannuanik, nivingayuniglu. Tuhaqtauyukhanik tiivikkut, naalautikkut taiguakhanilu.
- Vutiqtaunahurittup qaritauyakkuurvianik, Facebook-kut, Twitter-kut.
- Iglunut pulaqtarnirmik aallaniglu vutiqtaunahurinnirmut huliitjutikhanik.
- Vutiqtaunahurittup nunalingnut tingmitjutikhainnik, tingmiyariaqarumi.
- Akiliqtuqtauhimaittumik ikayuqtukhanik.
- Vutiqtaunahurittup kivegakhainnik qunngiarniaqtunik atuni vutirvini Vutirviup Upluani.

Pilutit kamagiyikhamik nakuuniaqtumik ukunani.

Naunaiqhimalugu kihimi naunaiyaiyakhaa havarvingminit maliguaquplugu maligainnik atuagainniglu havaligtinagu ilingnut kamagiyitut.

Vutiqtaunahurinnirni kamagiyiqanngitkuvit, maniliqiyikpit kamagiinariaqaqtat hapkuat. Havakhaqaqpallaarniarunaqhiuk uvvaluuniit nakuutqiyaunngiluniluuniit havaakhamut.

Vutiqtaunahurittumut kamayi taimaaqqagu havaani :

Vutiqtaunahurittuq qilamik uqautilugu Utigtittiya.

- Inigtirlugu inigtigakhaq titigaq. Titigarlugit pidjutait kamgiyip taimaarmat havaani, ublurlu havaa taimaarmagu.
- Nutaamik vutiqtaunahuarnirmut kamayitaarniaruvit, atuinariaqaqtat tamna inigtigakhaq titigaq.
- Qimailuni 'kingulliq' kamayigaluat tunihiyakhaa hunanigliqaak pidjutiliit vutiqtaunaruahinnirmut.

Aularutihimaguviuk vutiqtaunahurinnirmut kamagiyiqanngittumik kinguagut ihumaliuruvit tikkuqaqhiumalutit, atuinariaqaqtat tamna inigtigakhaq titigaq.

Tuyuiniq tuhaqtittitjut vutiqtaunahuarniarnirmik

Nunavut Vutirnirmut Maligaq tukiliuqhimayuq tuyuinirmut tuhaqtittitjutimik.

Tamainnik ihuaqtullu illituqhimayut: Iniqtirlugit tamaita iniqtiruti titigaq. Utiqtittiyi naammagilaitanga ilait titigaqhimalaitpata. Qilamik kigliata hivuagut tuyurlugu ahidjiyariaqarayaqpat.

Ilumuurluni atiliurlunilu: Vutiqtaunahurittuq maniliqiyiplu atiliurniik tuhaqtittitjut. Vutiqtaqtut qunngianaqtuq atiliuqataulunilu. Vutiqtaunahuarittuq qunngiaqtiulimaittuq.

Vutiqtaunahurittumut kamayiqaruvit, atiliurlunittauq ilummurrlunilu.

Vutiqtaunahurittup atqinga: Titigarlugu atqit tuhaqtittitjunmi vutiqtaunahurinnirmut titigauhikhaatut vutiumni. Titigarlugu malrungni aallatqiingni uqauhini taimaatut itquguviuk vitiumni. Vutiqtuliriyikkut Nunavunmi aturniaraat qanuq titigauhikhaa atuquyat tuhaqtittitjunmi.

Uktuutigilugu, titigaruviuk atiqit Inuktitut hivullirmik Qablunaatun tuglirmik uvvaluuniit Qablunaatun hivullirmik Inuktitut tuglirmik, taimaatut titigaqtauniaqtuq vutiumni. Titigaruviuk atqit Qablunaatuinnaq Inuktituinnarluuniit, taimaatun-inniaqtuq vutiumni.

Qakugu: Tuyurlugu tuhaqtittitjutit Vutiqtuliriyini Atanguyaq hatqimmagu vutiqtittinirmut tilihidjuti – 35 upluit hivuani Vutirviup Upluanit - unlau 2-mungaqqat nunangni, 31 uplut hivuani Vutirviup Upluata. **Kiglimut utatqiNNGILLUTIT!**

Tamainnik ihuaqtuulugulu tuhaqtittitjut ublurmit ubluqhiummilu. Inuk tuyuqhianikpat tuhaqtittitjutimik, kialiaqaak inuup qunngiaqtaqtaa ilitturivigilugu.

Humi: Tunilugu Utiqtittityimut vutirvingni. Utiqtittiyi ahini nunaqaqqat tikkuahittaqtut inungmik nunangnit angiqtukhanik tuhaqtittitjutinik vutiqtaunahaurnirmut.

Ukuninga ilaqarlutik: Akiliqhilitit \$200 -mik, titigaqarvingmit manikhakhakut, naunaiqtauhimayumigluuniit manikhakhamik, uvvaluuniit manikhakhakut Nuatan Niuvirviannit Kuapatkunilluuniit.

Vutiqtuliriyikkut Nunavunmi atuqpagait vutiqtaunahuarittut piksait takuhiugakhami vutiutikhamik. Takuhiurut piksalik taimainnik vutiqtaunahuarittunik atiita hanaini. Nivingavaktut vutirvingmi ikayurniaqhugit vutiqtaqtut kitkunik vutiqtariakhaita.

Vutiqtuliriyikkut Nunavunmi tuninngitkuvigut piksamik, atqit takunnarniaqtuq piksaittumik.

Qaritauyakkuuqtaqtuq piksaliugaq imaittukhauyuq, malinngippat Vutiqtuliriyikkut Nunavunmi atulimatanga. Vutiqtuliriyikkut Nunavunmi aallannguqtilaitanga piksa.

- Takuhiurlugu vutiqtaunahurittup niaqua tuinngiklu tunua kalaa taaqpallaanngilluni.
- Piksaliuqtauhimaluni 12-ni tatqiqhiutini Vutirviup Upluanit hivuanit.
- Tuyurlugu Vutiqtuliriyikkut Nunavukkunnut imaittuluni 72 dpi compressed jpeg –nguluniluuniit.
- Piksannuqtauttaarluni 12.7 cm kikkagiktumik 300 dpi-qarluni 2 milian pixels-ngulunilu.

Utiqtittiyip tikkuaghimayailuuniit tuhaqtittitjummik piqataaqtut, qimirrublugulu. Pingahuit atururngaqtut:

- Utiqtittiyip angirlugu tuhaqtittitjut.
- Utiqtittiyip qinngirluniuk.
- Utiqtittiyip angirluniuk, kihiani ihumayuq vutiqtaunahurittuq uktulimaimmat, kihimi Vutiqtuliriyini Atanguyaq ihumaliuqtagaa.

Utiqtittiyip angiqpagu tuhaqtittitjut vutiqtaunahurinnirmut

Utiqtittiyip angiqpagait tuhaqtittitjutit imaitpat:

- Vutiqtaunahurittungnaruvit.

- Iniqtiruviuk tuhaqtittitjutit vutiqaunahuarnirnut ihuaqtumik.
- Tunihimaplugu umiktinagu.
- Akiliqhimayat \$200.00 - titigaqarvingmit manikhakhakut, naunaiqtauhimayumigluuniit manikhakhamik, uvvaluuniit manikhakhakut Nuatan Niuvirviannit Kuapatkunilluuniit akiligakhaulutik Nunavunmi Kavamakut.

Utiqtittiyip angiqqagu tuhaqtittitjut vutiqaunahurrinnirnut, naunaitkunmik tunihiniaqtut ilingnut uktuqtaarnigarlutit vutiqaunahurrirtumut. Vutiqaunahurrirtungutuaqpat maniliqiyi piyakhaliqtuq malighugu *Nunavut Vutirnimut Maligaq*.

Vutiqaunahurrirtuulutit tuyuqtaulutit makpiraanik Vutiqtuliriyikkut Nunavunmi afisiannit. Vutiqaunahurrirtumut turaaqut iluliingit:

- Maligautik Vutiqaunahurrirtumut, ilautlugit atjingit vutiqaunahuarnirnut maniktuutinut utiqtitauyarialgit aallaniglu titiqqanik.
- Maliguagakhat *Nunavut Vutirnimut Maligaanik* – nainaqhimayuq.
- Atuqtauningit utiqtaqtunik atiliuqhimayut vutirvinit
- Angirutit iniqtigakhat tiliurutillu vutiqaunahurrirtut kivgainnut vutirvingmi.
- CD iniqtigakhalik ilvit iniqtiqtaqtarnik qaritauyakkut piomaguvit.
- Atiliugakhaq makpiraaq uqaqtuq piyatit tuyuqtauhimayut.

Piguktit vutiqaunahurrirtuut kamalutit kihimi Vutiqtuliriyikkut Nunavukkunnit Vutiqtuliriyini Atanguyaup aafisiannit Kangiqhinirmi aafisiannit vutiqaunahurrirtumut unalu apirhuutinut ilaulutik maliqiniit apirhuutiillu. Takulugu havayarniarlugit illutturutiit taaffumani maliguagarmit.

Vutiqaunahurrirtunnguruvit, Utiqtittiyimik pilutit, huurlu:

- Tuhaqtittitjutiit tamainnut inungnut

- Adjingit vutiqtaqtut atqingit vutirviuyumut.
- Titiraq vutiqtunut vutiffaarnamit
- Vutiqtunik unipkaa

Utiqtittiyip qinngiqpagu tuhaqtittitjut

Utiqtittiyip qinngittaqtaa tuhaqtittitjutit imaitkuvit:

- Akilikhinngitkuvit \$200.00-mik.
- Tunihiguvit umiktilugu.
- Iniqtirinngitkuvit titiqqanik ihuaqtumik.
- Tunihiguvit tuhaqtittitjunmik amigaitqiani atauhirmut vutirvingmi. Imaiuruvit vutiqtaunahurilimaittutit.
- Vitiqtaunahurilimaitkavit imainnavit:
 - Vutiqtuliriyikkut Nunavunmi titiqqainit taimaqtitauhimagavit
 - Tunihihimanngittutillu maniktuutit titigainnik tunihivikhaani vutiqtaunahurittuuplutit maniliqiyiluunniit kingullirmi vutirnirmi.
 - Malikhimanngitkungni ilaliutikhainut angiqhimaniq kinguani vutiqtaunigut kingullini talimani ukiuni.
 - Maligaliuqti apiqhugakhaqarumik paqiyaugumigluuniit pilrayaqaugumik, havaanga taimaarlugulu.
 - Maligaliurvigyuangani ilauhimanniruvit, Sanat uuminngaluuniit maligaliurnikkut aahiit nunallaami nunatuqangni.
 - Apiqhuyi, kihimi nunaqatigiiktuni apiqhuinikkut.
 - Havakhimagaluaruvit Vutiqtuliriyikkut Nunavunmi.

Utiqtittiyip angiqqagu tuhaqtittitjut, kihiani tuyuibluni tuhaqtauyukhamik

Utiqtittiyip ihumatuinnarialik inuk vutiqtaunahurilimaimmat ahiit pidjutigiblugit, Vutiqtuliriyini Atanguyaq kihimi ihumaliuqtaqtuq. Inungnut tuhaqtitidjuti Vutiqtuliriyini Atanguyaqmuarluni, qimirlulugit ilittuqvikhait ihumaliurutiaqhutik.


Vutiqtaunahurittukaugavit ihumaguvit, kilamik uqariyarlutit Atanguyarmut uqarlutigli huuq - titigakut - tuyuinnariaqaqtutit ilittuqhautikhainnik ilihimayauyuniglu ikayuutikharnik. Vutiqtuliriyini Atanguyaq ihumaliurniaqtuq malrungni uplungni huurlu uqarluni.

Angiqatiginngitkuviuk Vutiqtuliriyini Atanguyap ihumaliurutaa, apiqhuiyinat tukhirauhiurlutit, 7 ubluit iluanit, qimilrulugu ihumaliuqtauyuq. Apirhuiyip naalakniaraa ihumaliuquiffarut kulini upluni ihumaliurutigilugu kilamivyak naalaguirumiuk.

Vutirnarniqainarluni vutiqtaunahurittutit ilaungilluni, apirhuivik ihumaliuqat niruqtaunahurttungnaravit nutaamik vutirniqarlutik.

Vutiqtaunahuarniq

Vutiqtaunahurittuublutit, vutiqtaunahurinnirnut aallagiiktut vutiqtaunahurinnirnut qanuriliurniit atuqtauyullu, vutiqtaunahurinnirnullu manngiit akilirlugit qanirilliurnirnut atuqtunullu.



Vutiqtaunahuarnirmut manikhat

Manikhatigut titiqqat ikayuutauyut. Hatqihimayut parnakhimayatit (atuqtut qanuriliurniilu) manngillu aturialit. Manikhatigut titiqqat ikayuqtuq hivulliutiyakhanik naunaiyainirmi maniktuqpallaaqtailinirmullu avatqullugit tuniyauyut vutiqtaunahuarnirmut.

Titigarniaqqat manikhanik havaqatigilugu maniliqiyi kamagiyilu, parnaiarlugu vutiqtaunahuarniq. Parnaiyailiruvit naunaiyarlugit hunat akiqariakhaita akiiniglu. Uktuutigilugu:

- Vutiqtaunahuarnirmut tuutauyannguat, takuhiurutikhaat nivingayu? Qanuq akiqarlutik?
- Vutiqtauviit atauhiungittumik nunaliqaqqa, ignilravvigiyaaqqiuk nunalik? qaffiiqturluni qanuraaluglu aulaqhimaluni?
- Afisiqarniaqqitaa? Akiliqtuinaqqiik aulapkaiyukhamiik?
- Tuhagakhaliurniaqqiiq naalautikkut tiiviikkut, qaritauyakkulluuniit, uvvaluunniit taiguakhatigut?
- Vutiqtaunahuarniq qaritauyakkuurviqarniaqqaa? Uvvaluunniit aturlutit Facebook-mi unalu Twitter-mik?

Uqqatigittarlugit maniliqiy unalu vutiqtaunahurittumut kamayi parnaitillutit vutiqtaunahurinnirnut. Aallanguqtirniarunaqhiatit manikhat amihuiqturlutit vutiqtaunahuarnirni. Amigaitqianik ikitqianigluuniit tuniyauniarunaqhiutit niriuktarnit. Vutiqtaunahuarnirmut maniktuutit amigaitqiyauniarunaqhiut ikitqiyaulutigluuniit hivullirmit naahaqtarnit.

Vutiqtaunahurinnirmut qanuriliurniit atuqtauyullu

Vutiqtaunahirittut, kamayiit, maniliqiyiillu maliguarialiit maliganik vutiqtaunahurinnirmut qanuriliuqtunit atuqtuniglu.

Atinga havayagviuninganullu ilitturutit: Vutiqtaunahurinnirmut tamaita atuqtut, tuhagakhaillu, atingit maliqiyiup kamayiluunnit iniqhimalugit, talafuungat nambanga qaritauyakullu titigarvingata.

Uuktuuti: "Ikayuktuq (atinga maniliqiyip kamayiluunniit) _____ vutiqtaunahirittumut (atqinga) _____.

Talafuungata nambanga (qaritauyakut titigarvingaluunniit)

Titigap ihuanut mikiniqauvalungillugu atuqhimayup vutiqtaunahurinnirmut atuqtunit.

Tuhaqhauvvikhaa: Naalautikkut talavisakullu vutiqtaunahurittup nunaani iniaqqtittiyungnaqtut tuhaqhauyumayunut. Vutiqtaunahurittuluktaat adjigiinik hivitunianik tuhaqhayukhauyut manimik tuyuinatik.

Tuhaqhautittitaqtut tamaita (naalautikkut, talavisakut, qaritauyakut) ilaunginnarialiit maniliqiyip atinga iliturutingillu havayaqtauniarluni. Takulug ukturaut qulaani.

Vutiqtittinirmut hunavaluqalimaittuq ukunani: Havayarlugit haamalakkut ahiillu atanguyait nangminiliillu nunalingnit hunait maliganik atugainik, piqaqqata, namun ilipqaittarmanaqpiit vutiqtaunahurinnirmut atuqtunik.

Kavamakkut piqutainut vutiqtaunahurinnirmut atuqtunik ajuqtut.

Ajuqtullu aulayat napaaqtuini.

Ajuqtullu nunamit igluqpamiluuniit vutirvingmit. Inuit atulimaittut takuhiurilutigluuniit hunavalungnik vutirvingmit.

Vutiqtaunahurinnirmut katimapkainiq: Vutiqtaunahurinnirmut havaktiit katimapkaittaqtut ikayurlugu vutiqtaunahurittuq. Niripkailutik, niuqqaqtittiluni imngiqalaittunik, aittuiluni, taktakhaqarluni KIHIMI akia \$500-laukpat akikittianigluuniit. Uuktuutigilugu, Taktakhaqalimaittuq akhaluunmik sikituumigluuniit.

Kinaliqaak inuk, kampani, katimqatigiilluuniit pittarumik tunihittaqtut vutiqtaunahurinnirmut ikayurungnaqtut tamaanik ilanganigluuniit katimapkainirmik. Maniliqiyiplu katitiqtakhait tamaita tuniyauyut katimapkainirmi.

Inuit/kampaniit hilataanit Nunavut: Inuk, kampani katimqatigiilluuniit Nunavunmiutaunngitpata aulanngitpataluuniit Nunavunmi, vutiqtaunahurinnirmik kamaliMAITTUT vutiqtaunahurittumut. Akiliqtuilimaittut tunihilutigluuniit vutiqtaunahurinnirmut hunavalunnuluuniit.

Piiyarlugit vutiqinirmut hunavalingnik: Vutiqtaunahurittuluktaat piiyariaaqaqtut tamainnik vutiqtaunahurinnirmut atuqturnik kulit uplut aniruqtinagit Vutirviup Upluanit.

Kinaliqaak inuk piiyailimaittuq qaliqtiriluni, huunngiyailuni, aallannguqtiriluniluuniit vutiqtaunahurinnirmut atuqturnik, angiqtauhimanngitkumi ilingnit.

Uqamaluri, titigaqhimayukkut umalutigi, inuglugi:

Vutiqtaunahurittut niqliqtukhaunngittut-mighaagut aallatigulluuniit vutiqtaunahurittut ahiinik aallanigluuniit-iqulutik, uqamaluglutik, inuglutik. Hamna turangayuq tamainnut tuhaqtittitjutinut ilautilugit Facebook, Twitter aallallu inuit tuhaumattittitjutait.

Vutiqtiit atiliurviat: Vutiqtaunahurittuq, maniliqiyi, kamayilu, aallallu vutiqtittinirmut havaktit pimmaruhuktukhauyut vutiqtiit atiliurviannik atuqqtialrugulu ihuaqtumik. Ihuinarutaungmat atuqtautianninnia.

- Aturlugu vutiqtiit atiliurviat vutirnirmutuaq.
- Kinnguani vutirniup, utiqtilugit tamaita vutiqtiit atiliurviit (qaritauyakkut titiqqanilu) Vutiqtuliriyikkut Nunavunmi hunngiyarlugilluuniit.

Vutiqtittinirmut tuniyauyut

Vutiqtittinirmut tuniyauttaqtut manngit, niuvigat pivikhalluuniit. Maniliriya kamayiyuq tamainnik vutirnirmut maningnik, taimainniglu tuniyauyunik maniktuutiniglu. Maniliriya pivagait tamaita tuniyauyut, vutiqtaunahurittuungittup uvaluuniit kamayi.

Kina tunihittaqa: Maniliriya pittaqtuq tuniyauyunik ukuningainnaq:

- Inuit inuuhiaqtut Nunavunmi.
- Kampaniit pivalliyut havaktut maligatigut atiliuqhimayut Nunavunmi.
- Katimaqatigiit katudjiqatigiilluuniit aulayut Nunavunmi. Katimaqatigiit katudjiqatigiilluuniit tunihiukat maniliriya mut titigaqhimayunik atiinnik inuit tunihiut kaffiniglu atuni tunihiniit.

Kiglinga tuniyauyuq: Atuni inuk, kampani katimaqatigilluuniit tunihittaqtuq avatqunngilugu \$2500. Tunihittaqtut maningnanik, niuviganik pivighanik avuurlugilluuniit. Kinaliqaaq tunihiyuq aullarummik, kiglingata \$2500 anginiqhamik tunihiyungnaqtuq.

Qannga qanurlu tunihiniq: : Inuk, kampani katimqatigiilluuniit tunihittaqtut vutirnirmut vutirniuplu pittaqtait tuniyauyut imaitpat kihiani:

- Angmaumanianituaq vutiqtittiniup ubluqhiutinginni.
- Kihimi vutiqtaunahurittuq vutiqtauyumayunnguqqat.
- Tunihitarumik maniliqiyimut inungmulluuniit maniliqiyiup angiqhimayaanut titigaqhimayukkut. Vutiqtaunahurittuq ingminik tuniyauyunit pittalaittuq.

Tuniyauyut maningublutik: 'Atiqarlutik' uvaluuniit 'attiqtauhimaittu'. Tuniyauyut avatqumayunik \$100 atiqARIAQAQTUT. Maniliriya titirarniaraa atia, titqqilvialu tunihiyuup.

Maniliriyiup tuniniagaa taaksinut naunaitkummik adjianut tuniyauyuup atuni 'atiqaqtunut' tuniyaayunut - avalutquumalugu \$2500-mik. Maniliriyi kihimi tunihittaqtuq taaksinut naunaitkutainik.

Inuk, kampani katimqatigiiluuniit tunihittaqtut \$100-mik attiqhimaittumik tuniyamingnik. Vutirniq tuniyaugumi attiqtauhimaittumit avatqumayumik \$100-mik maniliriyip utiqtitakhait manngit, ilihimagumikku tunihiut. Utiqtilimaitkumikku maniliriyiup aulaqtitakhaa Vutiqtuliriyini Atanguyamut.

Vutiqtittinirmut maniqarvik: Maniliriyi angmakhiukhaq maniqarvikhamik ilvaglugillu tamaita vutirnirmut manngit tuniyaayut talvunga maniqarvingmut. Manngit nanminiryayut vutiqtittinirmut, vutiqtaunahurittuuNGITtumut maniliqiyuimuluuniit.

Hunavaluit pivikhallu - tuniyaayut maniktuutillu: Maniliriyiup aturniaraa niuvirvini akiit hunavaluit pvikhallu akituniktirlugit tuniyaayut. Atjikutaa akia maniktuutauyurlu.

Uktuutigilugu: Tingmitjutilirikkut tunihiblulik atauhirmigluunniit tingmitjutinik vutiqtaunahurittuq ingilraniarluni ahimut nunalingmut vutiqtaauvingmit vutiqtaunahuritillugu. Maniliriyiup titigarluniuk atinga tingmitjutiup kaffiuningalu tingmitjutiup tuniyaayutut UNALU atuqhimayuq.

Uktuutigilugu: Nunalingmi nanminiqutauyuq pivalliavik tunihuuq titigarnirmik. Maniliriyiup titigarniaraa atia pivalliayuup niuvirvitigullu akikhaa pivikhap tuniyaayutut UVVALU maniktuutitut.

Inuit ilaanni ikayuqpaktut akiliqtuqtauhimaittumik vutirnarnirmi. Maniliriyiup naahayuitait ikayuqtut havangniit tuniyaayutut. KIHIMI inminut havaktuq inuk havakpat vutirnarnirmut akiliuhiarutigiliqpaktaminut.

Uktuutigilugu: nanminiqutilik inminut havaktuq titigauyaqti taiguagakhaluqqat vutirnarnirmut ikayuqtuqhuni Maniliriyaup titigarniaraa titigauyaqtip atia niuvirvikkullu akia ikayuqtuutaanit hunavaluktut pivikhatulluuniit UVVALU maniktuutit.

Vutiqtaunahurinnirmut maaniktuutiit

Maniliqiyi akiliittaqtuq tamaita vutiqtaunahirinnirmut maniktuutitik manikhamut maniqarvingmit.

Kiglinga kitittugit vutiqtaunahurinnirmut makiktuutiit: Kiglinga vutiqtaunahurinnirmut tuniyauttaqtut maniktuutigilugulu \$30,000. Ilauyut vutirnaqhitinnagu vutirnarmilu maniktuutiuyut. Vutiqtuliriyini Atanguyaq naamakhaqhuni, kitittugit vutiqtaunahurinnirmut maniktuutit avluqiyungnqtut \$30,000-nik akiliutigilugit:

- Tingmitjutit inuutjutikhallu.
- Nutaqqiqiyiqarnirmut maniktuutit.
- Maniktuutit turangayut vutiqtaunahurittup timikluutaanit.

Vutiqtaunahurittuup ingminik maninga: Vutiqtaunahurittuq atuqtaqtuq maningnik \$30,000-mut maninganit - avatqutittaqtut \$30,000-mik.

Naamaktunik tuniyauyunik maniqaruvit, maniliqiyi vutiqtaunahurittumut atuqtanganit ingminik mangimik tuyurluniut, ilauyut vutirnaqhitinnagu atuqhimyaut.

Vutiqtaunahurittuq piniaqtuq taaksiiyautinik atuqtaminut, kikligilugu \$2500. Ilauhimanngittut maniktit utiqutut ilingnut.

Naammaktut maniktuutinik:

- Igluqpangmut akiliqtuutaa, aulatjutait, tamayallu afisimut.
- Manikhakhait inuup aulayiuniaqtup afisimi, havaktikhamuluuniit kamayimut mangiliqiyimulluuniit.
- Vutiquinirmut hunavaluit naunaitkutit, nivingayukhat tuutauyanguallu.
- Vutiquinirmut tuhagakhanut tiiviikkut, naalautikkut pivalliyutigut qaritauyakkullu.
- Tingmitjutit hiniktautillu iluani vutiqtaunahuarvikpit.
- Nutaqqiqiyiqarnirnut atayunit vutiqtaunahuarnirnit.
- Maniktuutit turangayut vutiqtaunahurittup timiklukluutainnit.
- Niqit niuqqagallu taanngaunngittut katimapkainini.
- Niqit niuqqagallu taanngaunngittut vutiqtaunahurittumut kivgainnulluunniit vutirvingmi vutirviup upuani.
- Aittuutit taktakhallu katimapkaiyuni vutiqtinik vutiqtaunahurittumut huliyuni, atauttimut akiit aittutit taktakhallu avatqumanngitpat \$500-mik.

Naammagiyaunngittunik vutiqtaunahurinnirmut maniktuutinik:

- Tingminiq hilataani vutiqtaunahuarvikpit, hilataaguriaqaruvit kihiani tikinniarlugu nuna iluaniittuq vutiqtaunahuarvikpit.
- Manngit, niqit, niuqqagat, aittutit taktakhat aallaluuniit akituyut tuniuqqagat tuniuqqatauyut vutiqtinut vutiquinirmi, atauttimut akiit avatqumankpata \$500-mik. Uuktuutigilugu: tunihilaittut akhaluunmik sikituumigluuniit.
- Manngit, niqit, niuqqagat, aittuutit, taktakhat aallallu tuniuqqagat qanuq vutiqutjutit vutiqunngitjutilluuniit. Uuktuutigilugu, tunihittaqtutit kalunmik juusimik qiuqutaunngittumik kihimi, vainmigluuniit piamigluuniit.
- \$200 aki vutiqtaunahurittup akiliqhimayanga tuhaqtititjutit vutiqtaunahuarniarnirnik.

Vutirnirmut manngit utiqtitjutit



Manngit titigait utiqtitauyarialgit ilitarimayuyuq titigait vutiqtaunahuarnirmit tuniyauyunik maniktuutiniglu. Manilqiyip parnaiyaqpagaa maniktigut utiqtitauyukhaq ihuaqtumi titigarmi. Vutiqtaunahurittup tuyurniaraa Vutiqtuliriyini Atanguyamut. Maniriyi vutiqtaunahuritturlu tamainik atiliuqtaqtanga ilummuurutiliuqhutiglu inittiaqhimaninganut tammarniqanngillugulu.

Manliriyi inirhittaqtuq titiqqamik qaritauyakkuuqtumigluuniit manngit utiqtitjutaanik. Qaritauyakuuqtumik aturumi, titigaqtitqarlugu atiliuqtakhaa aulaqtillugulu tamna Vutiqtuliriyikkut Nunavunmi. AulaqtitiliMAITTUTIT qaritauyakkuinnaq.

Vutiqtuliriyini Atanguyaq naahaiyiqaqtuq ihivriurittaqtumik manignik utiqtitjutainnik.

Manngit titigait

Vutiqtinagit, maniliriyiup pihimayakhait nalaumayumik manngit titigait tuniyauyunik maniktuutiniglu (ilautilugit TAMAITA naunaitkutit maniktuutinut). Maniliriyiup pihimayariaqaqtait ukua maniktuutit iniqtiriyamini manngit utiqtitjutaanik.

Vutiruiqqata, maniilliurniarunaqhiut akiliqtuutikhanik vutirnarnirmi maniktuutinik. Maniliriyi tuniyauhimaqaqtuq vutirviup kinguanut - 60 uplunut vutiruirniannit. Maniliriyip titigarniarait ukua tuniyauhimaqaqtut vutiruirnirmit. Maniliriyi taaksinut naunaitkutakkaniinik piyungnatuq Vutiqtuliriyini Atanguyaq, pikkanniumaguni.

Vutiqtaunahurittuq kamagiyait akiliqtauhimannngittut maniktuutit vutiqiniq maniilliuqqat.

Vutirnarnirmut maniqarvik avatqutjutiqaqqat akiliqqaarlugit vutirnirmut maniktuutit, malruungnik nalliagnik vutirungnaqtututit:

- Tuniguvigit maniliuqtiunngittumut timiuyumut ilautilugu tuniyauyumut naunaitkut.

Uvaluunniit

- Tunilugu Kavamakut Nunavut-mut. Manikhakhamik titigaqhimayumik 'Katitiqtauhimayut Manngit Nunavut'.

Ikpingnaqtut umikvik

Vutiqtaunahurittup tuyuqtakhait manngit titigait utiqtitauyarialgit Vutiqtuliriyini Atanguyamut hivuagut vutiqtaunahuaguiqniup – 60-tit uplut kinguanit Vutirviup Upluanit. Utiqtitauyaqtuq \$200.00 utiqtitiguvit kinguvaqhimaittumik.

Maniliryi vutiqtaunahuritturluuniit tukhirlutit Vutiqtuliriyini Atanguyamut kinnguvaktittumaguviuk utiqtitjutaat, piyariaqaqqat. Nakuuqpiyaqtumik tukhirautilqariaqaqtutit. Tukhirlutillu titigaqhimayukkut hivuraagut vutirviup nunngugnianit - 60 uplut kinuganit vutirviup upluanit. Vutiqtuliriyini Atanguyaq ihumaliurniaqtuq kinnguvaqtittiniarnirmik, qanuraaluglu hivituyumik .

Vutiqtauyuuq tukhirngniq ayuqtuq kinguvariaqtittinirmut. Vutiqtaunahurittuq vutiqtaukpat, maligaliurvingmit katimayiuniq ayuqtut Vutiqtuliriyikkut Nunavunmi kihiani pigumik qimilrulukul manngit titigautingit.

Manngit titigait kinguvaqqata vutiqtaunahuritturlu kinguvariarutiqalaippat:

- Utiqtitaulimaittuq \$200 akiliqhimayat.
- Ilvit maniliqiyilu vutiqtaunahualimaittutik tuglinit nunavunmi vutiqtittinirni ukiunut tallimanut.
- Vutiqtauyuq tuyurlugit manngit titigait maligaliurvingmi katimayinngulaunginniani.

Inungnut angmaumayut titiqqat

Tamaita manngit utiqtitjutait inungnut angmaumayut. Kinguani vutirnarniup Vutiqtuliriyini Atanguyap haqqitittiniaqtuq nani piyauyungnarnngninginnut atuni manngit utiqtitjutainnik taigualiugani pivalliyuni. Ilautinirait vutiqtaunahurittup ilitturutingit kinnguqtait ilautiyakharaluaqtik.

Vutiqtuliriyikkut Nunavunmi haqqitittiniaqtullu iniqhimayunik manngit utiqtitjutainnik qaritauyakkut - iniqtaulluaqhimayut aippaalu ihivriuqtauhimayut.

Vutirviup uplua



Vutirviup upluani vutiriaqturviit angmarniaqtut uplurhiutit atjiginngittilugit atjigiinnginmata uplurhiutit.

- 10:00 uplaami 8:00 unnungmut Kivataani
- 9:00 uplaami 7:00 unnungmut Qitqani
- 8:00 uplaami 6:00 unnungmut Kinginniqarnirmi

Kinaliqaak atulimaittuq talafuutininik, piksaliutininik, uqautininik naalautininik, aalanigluuniit tuhaumatittitjutinik vutirivngmi. Kinaliqaak takuhiurilimaittuq tuuyauyannguanik aallaniglu hunavalungnik vutiqitjutinik vutirivngmi.

Vutiqtaunahurittut kivgangit vutiqtittivikmit

Vutiqtaunahurittuluktaat kivgaqaqtaqtuq atauhirmik tamainni vutirviuvaktuni, vutiqtaunahurittuq vutirivngmiitqat qanirinngittuq. Nalliak vutiqtaunahurittuq uvaluunniit kivgaqtuqtinga vutirivngmiittaqtut, tamainnik pititaulaittut.

Angirut iniqtigakhaq: Atuni vutiqtaunahurittut kivgaqtuqtingit atiliuriyariaqaqtut angirunmik. Vutiqtaunahurittut kivgaq vutirivngmuaruni titigaq tuyurlugu utiqittiyip tuglianut, ilummuhiurlunilu.

Maliguagat vutirnaqtilugu: Vutiqtaunahurittuq uvaluunniit kivgaat qunngiaqtaqtuq huliyunik vutirivngmi, imannalu:

- Pimmaruhinnaqtukhaq inaviiqutaunngilunilu vutiqtunut vutiqtuliriyinullu.
- Ilittuqhautininik pittaqtuq vutiqtuliriyit titigainnit vutiqtillugit ahiit aallamut tunilugit.
- AniYARIAQAQTUT vutirviup hilataanut hivayaqtaugumi talafuurniarumiluuniit aallamut tuhaqtittinialuni.

- Itiqtaqtuq vutirvingmut 15 minits angmaqtinagu, qunngiarlugit vutiqtuliriyit naahaiyut atiliuriyullu vutiutinik ihivriuriyunik vutiutinik aallanigl titiqqanik vutirvingmi.
- Apirhuittaqtuq vutiqtuup kinaunianik atia itkaluaqtillogu atiliuqhimayuni.

Kitittiniq vutiutinik: Vutiqtaunahurittuq uvaluunniit kivgaat qunngiaqtaqtuq huliyunik vutirivngmi, imannalu:

- Qunngialuni naahailunilu - Utiqtiriyip Tugliatuaq hanaqittaqtait vutiutit.
- Umingnianut ittukhaq. TalafuunnNGILLUni talafuuqTAUNNGILLunilu titigarluniluuniit tigumiagaminut talafuutikkut Tugliq Utiqtittiyit aulaqtitinagu vutirniup qanurinnianik Vutiqtuliriyikkut Nunavukkunnut.
- Angiqatiginngitkuviuk Utiqtiriyip Tuglia angirnia qinnginaluuniit vutiunmi, uqautilugu huuq ihuigiyat. Utiqtiriyip Tugliata titigarniaraa ihuiguuutit makpiraaqutimini ahiit ihumaliurminluni angirniyalugu qinngiluguluuniit vutiut. Naammagiyakhat kingullirmik ihumaliurutaa.
- Pinaqqutit atjikkutaanik Titigaarnik Naahaiyunit Utiqtiriyip Tuglianit naahaihuqqata vutiutinik aulaqtittikpallu Vutiqtuliriyitkunut Nunavut. Titigaq Naahautinut takuhiuriyuq vutiutini vutirutit kaffiungmatalu huunngiqhimayut vutiutit

Kina vutiqtauva

Utiqtittiyip pivagaa Qanurinnia Vutirvingmit atuni Tuglinit Utiqtittiyinit. Utiqtittiyip kihitiqpagait atauttimut vutiutit tamainnit vutirvingnit talvani vutirvingmit iniqtiqhugulu vutirnirmit unipkaliugakhaq naunaiyaqhugit kaffiuniit vutiutit atuni vutiqtaunahurittunut. Utiqtittiyi tuyuipuni adjiinik vutiqtittinirmut unipkaamik.


Qanurinniaqqa malruuk vutiqtaunahurittuk atjigiiktumik vutiqtaukpata?

Malruuk vutiqtaunahurittuk atjikkiiktumik vutiqtauttaqtuk, atjigiikkayarlutigliuuniit. Atjigiinnginiik mikitqiyaukpat 2%-mit tamainit vutiutinit, Utiqtitiyi tukhiriaqaqtuq Nunavut Apirhuiyiinnut naahaiffaaqtukhamik.

Uvva malruuk uktuutik:

Uktuut 1	Uktuut 2
1000 inuit vutiqtut.	500 inuit vutiqtut.
2% 1000 -nit 20-tiuyut vutiutit.	2% 500 -nit 10-tiuyut vutiutit.
Akimayuq vutiqtaunahurittuq 20-nik vutiutinik amigaitqiyauluni tuglirmit vutiqtaunahurittumit. Taimainngitpat, naahaiffaarniaqtut.	Akimayuq vutiqtaunahurittuq kulinik vutiutinik amigaitqiyauluni tuglirmit vutiqtaunahurittumit. Taimainngitpat, naahaiffaarniaqtut.

Ahiruiniq Nunavut Vutirnirmut Maligaanik



Nunavut Vutirnirmut Maligaa ittuq aallatut maligatut. Ahiruiguvit maligarmik apirhuiyikkuutitauttatutit huaktaulutillu.

Qanuritpat ahiruitjutit maliganik

Amigaittut ahiruitjutit maligarmik atuni ihuinarunmut. Taigurlugu Nunavut Vutirnirmut Maligaa naunainnaqtumik maliguayakharnik maliganik.

Ihuinarut	Uktuut 1	Uktuut 2
Vutiruvit ihuittumik.	Vutiruvit vutilimaittumik.	Qanuriliuruvigit vutiutit piyakhaunngittumik.
Inaviqqiguvit vutiqtinik ihuittumik.	Vutiqtittinahuruvit tunihiniarlutit manikmik, imirmik, niqimik, havaamik, humiliqaak.	Vutiqtaunahurilluni vutirvingmit.
Aturuvigit ilittuqhautikhat ihuittumik.	Aturuviuk vutiqtaqtunik atiliuqhimayuq atuqtautjutikharinngittaagut vutirnirmit.	Hunngiyaiguvit Vutiqtuliriyikkut Nunavunmi tuhaqtittitjutainnik.
Uqaruvit iqulutit iquguvilluuniit.	Vutiqtaunahurittutit maniliqiyiyutilluuniit piyukhaunngittumik.	Vutiqtaunahuritkuvit atauhiup amigaitqainit vutirvini.
Aturuvit maningnik ihuittumik.	Vutiqtaunahuarnirmut maningnik aturuvit avtquttugu \$30,000.	Vutiqtaunahurittuq maningnik aturumik inminut.

Inuk ihuinaqqat, qanuq piyauniaqqa

Ahiruiguvit maligarmik apirhuqtauguvillu ilitturiyauplutit, imainiaqtutit:

- Akiliqhilitit \$5000. UVVALUUNIIT
- Itiqtaulutit atauhiq ukiuq avatqunngillugu. UVVALUUNIIT
- Akiliqhilitit itiqtaulutillu.

Uvvalu, malrungnut ukiungnut Maligaliurvingmi imailiulimaittutit:

- Vutiqtaulimaittutit Maligaliurvingmut.
- Ikhivalimaittutit ilauyutut Maligaliurvingmi.
- Havaaqalimaittutit tikkuqaqtauhimaluni kamisinamit, Ministamit, atanguyamilluuniit kavamanganit Nunavut Maligaliurvingmilluuniit.

Apirhuiyip uqautittaqaatillu imailiuqulutit:

- Inungnut tuhaqtitlugit ihuinarutitit.
- Akilirlugit inuit aanniqtatit ihuinarnirnit.
- Havaktitaulutit nunangnut akiliqtuqtauhimaittumik.

Kina unnirluktaqqa ahiguinahugiyaminik

Kinaliqaak inuk upiruhukkumik inuk ahiguiyuq maligarmik *Nunavut Vutirnirmut Maligaani* ihuiguhuktaqtuq unnirlukturluni. Palihimanguyayarialgit iluani 90-tit uplut ilihimanirmingnit inuk ahiguinianit. VutiqtuliriyitkunNUNNGITTUQ Vutiqtuliriyikkut Nunavukkunnut Atanguyamulluuniit.

Kia unnirluut ihivriurniaqqauk

Palihimat ihviriurivaktut. Uqarniaqtut ilingnut ilingnik ihivriurilirumik, uqarunaittut inaviqiniaqqat ihivriuriyamingnut.

Palihimat hakugikniqaqtut kamagiyaqaqhutiglu maliktauqunianik *Nunavut Vutirnirmut Maligaa* aallatut Nunavut Kanatauplu maligaitut.

Palihimat havaqatigivagait Vutiqtuliriyini Atanguyaq Iumuurnirmullu Kamisina ihuaqhinahuaqhugu. Iumuurnirmut Kamisina havaktuq Maligaliurvingmut kamagiplugu Iumuurnirmut Maligaq. Pitjutigiyaa uma maligap ikayurniaqhugit naunainnaqtumik Ilauyut Maligaliurvingmut ukpirnaqtut, naahurinnaqtuq pimmarikhakhunilu.

Kamisinaata Nunavut tikkuapaqaa Iumuurnirmut Kamisina. Ilauyut Maligaliurvingmut kimik tikkuacquivaktut Kamisinamit.

Maliguaniarniraqtumik angirut

Maliguaniarniraqtumik angirut kaantrannguyuuq Iumuurnirmut Kamisinamit inungmillu ahiguiyunaqhiumit maligarmik. Apqutauttaqtuq palihimat apirhuiyikkuuqtittitinagit inungmik ihuinaqtumik.

Iumuurnirmut Kamisina ihumaliurniaqtuq aivaqatiginiariakhaa maliguaniarniraqtumik angirut. Ukua ihumagivagait ihumaliuqtinani aivaqatiqarnirmik:

- Qanurinnia ihuinarniq ihuitpiarmangaallu.
- Huaktaunikhaa ihuinarnianut.
- Inuit pitjutigilugit.
- Apirhuiyikkut pitjutigilugit.
- Pitjutigilugillu apirhuiyit.

Aayiiqatigiiqata, maliguaniarniraqtumik angirutimut, Iumuurnirmut Kamisina inuglu tamarmik atiliurniaraak maliguaniarniraqtumik angirut. Tuhaqtitauniaqtuq – inungnut angmaumayuq titigaq.

Inuk atiliurumi maliguaniarniraqtumik angirunmik, kamaguhuliqtut ihuinarunminik. Angiqtut atauhirmut amigiatqianulluuniit ukuninga:

- Akiliqhiluni maningnik atauhirmut amigaitqianulluuniit inungnut.
- Mamiahukluni inungnut inungnullu ilauyunut.
- Aturluni Inuit pitquhituqainnik ihuaqhiniarlugu ihuinarunni.
- Havagluni nunamingut akiliqtuqtauhimaittumik.
- Angiqluni qanuriliurniaqluni huliniaqluniluuniit.

Malinngitkuviuk maliguaniarniraqtumik angirut:

- Palihimiqittaqtutit apirhuivingmullu.
- Ukiunut tallimanut vutiqtaunahurilimaittutit.
- Ilitturiyaguvit malinngitatit huaktauttaqtutit.


Malikkuviuk, palihimiqiyunaittutit titigaqarlilutilluuniit.

Kamisina tamainut inungnut unipkaaqaqtuq inuk malingmangaat malinngimangaaluunniit maliguaniarnirqturmik agirummik.

Vutirnikhanut Tukiliutait

Vutigakhaunnikkut Iliyakhautigiingniq:

Vutiqtaunahurittuq akihimagumi uumani vutigakhaunnikkut iliyakhautigiingninganut vutiqtaunahurittuq kihimi. Vuutiqtuqanngittut.



Vuutirnarirniq: Vuutirnaririami Vutiqtaunhauqtumut Ublungani.

Vuutiqhimaniaqtutit vutiqtauvingmi, arvinilik aippaa Vutiqtautinnani Ublungani, humiliqaak uvanngat 12 munngaqtumi ublummaanmi 7 munngaqtat unnuktumi nunalingni ubluqhiutaatigut.

Angiqhimanig: Hamna ilitariyaayumik, maligaliqinikkut ukpiruhuut, ukpiqhimagangit huliyakhanut; hamna ihumagilluaqtakhaat ukpiruhuutigilaaqtangit inungnut. Hamna ukpiruhuut hiqumiktitigungni taimaattaug maligautainnit hiqumiktutut ittuuvluni. Aadjigiigut angiqtauhimanikkut, uqariyaqhimayaayuq, uqariyaqhimayuq.

Ikayuqti Utiqtitti (ARO): Ikayuqti Utiqtitti (ARO) havaktikhiuqpagaat atauhiq amihuuyunigluuniit ikayuqti utiqtitti ARO kivgaqtuinikhainut. Una ARO angiqhimalaaqtut angiqtauhimanikkut uumani vutirnikhanut ikayuqhimavagaallu uumani RO nit tamainnit aahiit havaangit vutirnahuaqtunut ikaarutaani.

Ihivriughivaktunit: Una inuk Hivuliqtiyuq Vutiqtuliriyini Atanguyaq havaktikhiulaaqtuq qimilruriangani tamainnut vutiqtaunahurittunut maniliqinikkut himmauhia, iniqpiaqhimayaangani nalaumahimagiangani.

Vutirutaa: Hamna ilitarihimayaayuq titiqqait titiraqhimavaktavut vuutirnahuaaraangat. Titiraqhimayaayuq vutiqtaunahurittunut atinga ihuaqhaqhuni.

Inmikkuurniq Vutiqtauniq: Hamna vutiqtauniq atauhiinnarmut kivgaqtiugialik. Taimailiuqpangmat tamaita vutiqtaugaangat inikhaliraangat iluani Maligaliurvingmi inuittaraangat hungmallikiaq.

Vutiqtittiniq: Tagukhaqaraangat naunaiqhiiyut, nivinngaqaqtumik takugakharmik, tuutauyait kakilaaqtut, niplautigigumik, aahiittauq hunaniklikiaq vutiqtaunahurittuq parnautikhaat taimaa inungnit vuutiqyayyunut.

Vutiqtaunahurittumut kamayi: Taamna inuk aulapkaiyuq amiqhaivlunilu vutiqtaunahurittunut vutiqtittiyikhanut. Una vutiqtaunahurittuq tiliuqhiiyuq vutiqtaunahurittumut kamayimik.

Vutiqtittiniq parnautikhat: Takugakhait, atiliuqtauhimayut, tuutauyait kakilaaqtut, pinniqutikhait, nivinngaqtakhat, aahiittauq atulluarumayaat vutiqtaunahurittuq, vutiqinngittunulluuniit. Hamna takugakhait naunairvikhangilluuniit naalautikkut, TV mi, Qaritauyakkut alruyaqanngittulingnit, turaarvikhangillu makpiraarmi.

Vutiqtaunahurittuq: Kinaliqaak piyumayauyuq vuutiqtukhamik Katimayiugumi haffumani Maligaliurvingmi (MLA), unalu angiriiqhimagumik atiliuqtaaqhimayuuq vutiqtaunirnut hamna Vutiqtuliriyikkut Nunavunmi angiqhimayakhaat.

Vutiqtaunahurittup kivgana: Taamna inuk vutiqtaunahurittuq tiliuqhimayaat vutiqtittivingnut uvani Vutirnaqhigumi Ublungani amiqhaiquivlugu vuutiqtukhanut vutiqtaunahurittunut mikhaagut. Vutiqtaunahurittut atauhiinnarmik kivgaqtiuqaqtukhaq vutiqtittivingmi. Una vutiqtaunahurittup kivganga tutqignaqtumik, atiliuqhimayakhaat atiliugaa tunihimalugulu tugliata utiqtittiyi (DRO).

Iltaridjutinirnut titiqqap iluliutikhaq: Una titiqqanut iluliutikhaa ilagiyauyuq haffumani aturnaqtukhanut vutirutikhaat ilanganit. Uvattiagu vuutiqti atiliuqtaaqhimagumiuk titqqaup iluliutinunngaqhimayakhaa. Una uqaqhimaittumik titiqqak iluliutikhaa iluanunngaqtakhaat hamunga iltaridjutinut iluliutikhanut. Una vuutiqti atiliuqtakhaa turaaqtittiyakhaa Vutiqtuliriyikkut Nunavunmi.

Vitiqtuliriyini Atanguyaq (CEO): Vutiqtuliriyini Atanguyaq amiqhaiyangit Vutiqtuliriyikkut Nunavunmi. Hamna Kammissina Nunavunmi tiliuqpagaa una inuk amiqhalugu *Nunavut Vutirnikhanut Maligaaq*. Vutiqtuliriyikkut Nunavunmi inuit tamainnit amiriyakhaat aulapkaiyakhaat turaaqtitillugillu tamaat nunallaat vutirnikhat.

Nunamiutaq turaarut: Una turaarut vutirnahuaqtum nunaa iglum naunaitkutaa uuminngaluuniit iglum naunaitkutaa apqutum hania. Aallatqiyauyut titiqqiqiviup turaarutaangat. Atiliurahuariami uumani Vutiqtuliriyikkut Nunavunmi, vutirnahuaqtuq naunaiqhimayakhaat nunamiutaq turaarutaa.

Nutqarutinga vutiqtauyumaniq: Kinguani taamna inuk titiraqtaaqhimagumi uqariiqhimayuq vutiqtauyumuniq. 2 munnngaraangat ubluummaanmi nunamiuttani ubluqhiutikkut, 31 nit ublungani Vutirnikhanut Ublungani.

Vutiqtauhimavinga: Hamna nunamiuttani inuillu nayugaat. Inuit tamainnut vutiqtauhimavinirni vutiqtanga una Minista MLA.

Tuniyauyut: Maniit, ihuaqtikhait, una/ ikayuutikhangilluunit inungnut nanminiqaqtunulluuniit tunihivaktuq ikayuutikhaat vutirnahuaqtakhaat vutiqtauyumayunut.

Nampaqaqtuq vutirunmi: Una nampaqaqtut naunairut uvani vutirunmi. Tuglia Utiqtittiyi (DRO) alikhimavlugit vutirut iluanunngautinnangani vutirut qiyuqutinut.

Maliktakhait Uqauhiniq: Iltarihimayauyuq maligautikkut kiudjuhiq una inuk uqaqhimayaa ilumuqtumik pinahugiyaugumigluuniit. Una ukpirnaqtumik hiqumitkumi aallaunngittunilu maligautigut malingniranngitaa. Maliktakhait uqauhiniq aadjigiikhuni angiqhimayaa, uqariiqhimayuq, uqariiyaqhimayurluuniit.

Tuhaqtittidjut vutiqtaunahurinnirmut: Hamna atiliuqtakhaa inup uqariiyautauvluni taamna inuk vutiqtauyumayuq-taimaa ilauyumavluni vutiqtauyumanirnut Maligaliuqtinut Maligaliurvingmut (MLA). Pigiaqaqhutik tuniyakhallu \$200 nit illiriyukhat. Hamna maniliqinirniq kivgaqtuiyi atiliuriaqaqtuq hamna titiqqak.

Utiqtittiyp Tuglia (DRO): Una vutirvikhanut piliririyi amiqhaivagaat vutirvik Vutirnahuaqtunut Ublungani. Taapkuat DRO't havaarivlugit vutiqtut vutiqtauyumayunullu malittariaqaqhutik maligautainit. Vutirunmiglu tunihivaktut kititiqhugillu.

Vutiq: Pukuknahuariami inungnut vutirnikkut. Uumani nunallaami vutiqtakhanut vutiqhimayavut Ministautigut.

Vutirvikhaq: Hamna vutirvikhanut ilauhimayut uumani Nunavut Maligaliurvingat. Iluani nunallaami vutirvikhaq vutirnahuaqtut atiliuqhimayangit naunaitkuhirmik uqaqhimaittumik vutirunmik pukukhimalugu vutiqtaunahurittunut MLA khamik.

Vutirvikhaq Ublua: Hamna ublungani haffumani ihuaqhainahuarnigut vutirvikhamut vutirvingmi. Amihuuyut vutiqtukhat vutirvikhanunngauvaktut Vutirvikhaq Ublungani vutiriaqtuqhutik. Vutiqtuliriyikkut Nunavunmi ikayuliqpaktut aahiit inikhanut vutiriangani, Vutirvikhat Ublukhautinnani.

Vutirnamit akiliqhimayuq: Manikhanut akiliqtauyut akiliahangilluuniit vutirvikhanut ikaaruhingnut, vutiqtaunahurittup vutiqtittinikhat. Ilaliutihimayait parnautikhait ikayuutikhangillu inuit tunihimayut, akikhangilluuniit maniliqip unalu vutiqtaunahurittumut kamayi.

Vutirnamit piliriyit: Inuit havakhimayut hamani Vutiqtuliriyikkut Nunavunmi amiqhaivlugulu nunallaami vutirikhanut. Vutirvikhaq piliriyit ilagivlugulu Utiqtittiyi (RO), ikayuqtinga Ikayuqti Utiqtittiyi (ARO), tuglia utiqittiyi (DRO), vutirvingmi titiraqti (PC), unalu atiliurvikhanut titiraqtit (RC).

Vutirvikhautillugu: Hamna 35-ublunganit akulvikhaa aullaqtilihaaqhutik uumani ihuaqhainahuarnigut vutirvikhamut nutqarutaatauq uumani Vutirvikhaq Ublungani; una ilitariyaunikkut ublungani vutirvikhanut.

Vutiqtittinirmut unipkaarut: Ilitturnaqtuq qaffiuningit vutiqtauniit vutiqtaunahurittut piqaqtut. Utiqtittiyi (RO) titirarniaqtangit qimilrurumitku Vutirvikhaq Ublungani uqauhingit vutirvikhanut. Una RO kinguvautilaaqtangit vutirvikhanut unipkaarutingit malruk Santiqhiirlugu Vutirvikhaq Ublungani qaangirumi, piyumayaukpat.

Vutiqtuliriyikkut Nunavunmi: Havagviata havakingillu haffumani Vutiqtuliriyini Atanguyaup. Tahapkuat havaktit aulapkaivaktut amiqhaivlugillu nunallaami vutirvikhanut.

Vutirvikhanut kigliliuqhimaningit: Hamna kigliliuqhimayut tiliuqhimayuyut akulliuyut Nunavut vutiqtauhimavinga. Uvani 2015 mi 22 nit vutiqtauhimayauvlutit.

Vutirvikhanut Kigliliuqhimaningit Katimayiit: Ilagiiktut pingahuuyut inuit malikhimayakhaat qimilruqtakhat vutirvikhanut kigliliuqhimaningitkigliit tiliuqhimayut akulliuyut vutiqtauhimavingit Nunavunmi. Una Maligaliurvik tiliuqhimayaat Atiliuqtikhanut 10 ukiunganit naahimavlugu. Unipkaaliuqhimayangit, hamna Atiliuqtittiniq tukhiutigilaaqtangit aallannguqtirningit Nunavuttip vutirvikhanut kigliliuqhimaningit unalu vutiqtauhimayunut atingit.

Tuavirnarnikkut tukinga: Hamna inikhaa vutiqtakhaq naalautikkut alruyaqtuqtuyuittumik hivayautikkut unгахiktumiitkuvit Vutirvikhanut Ublungani. Turaarvigiyakhatit Vutiqtuliriyikkut Nunavunmi vutiriangani taimaa uumanilu pingahuuyut malikhimattiaqtakhatittauq:

- Vutirvikhanunngaulaittut uvani Vutirvikhanut Ublungani; UNALU
- Turaarvigilaittatit ahiagut; UNALU
- Qanuq ayuqhaliruvit unгахikpallaaravit vutirnahualiruvit.

Kingulliqpaangit vutiqtukhat titiqqangit: Una titiqqangit ilaliutigiyait tamaat vutiqtit titirariiqhimayut vutirvikhanut pilihaaqhimayut, ilagivlugulu tahapkuat atiliuqtaaqqhimayut vutirvikhanut akullirmi. Anivaktuq Vutirvikhanut Ublungani.

Maniliqiyi: Una inuk amiqhaiyangit tamaat maningnit vutiqtaunahurittunut vutirvikhaa. Una vutiqtaunahurittuq tiliyauhimayaa maniliqinirnut kivgaqtuiyi; tamarmik atililiuqhimayangit angirutikhanut vutirvikhanut. Una maniliqiniq kivgaqtuiyi ikayuqhimavluniuk akiliqhugillu tamaat akiliakhainit. Atauttimut uumanilu vutiqtaunahurittuq, maniliqiniq kivgaqtuiyi iniqhimayakhaat himmauhirilugit vutiqtaarumik.

Maniliqiniq himmauhikhaq: Hamna ilitaridjutinga unipkaarut haffumani vutirvikhanut ikayuuhingit akiliakhangillu, malikhimayakhaat maligautaanit Nunavut Vutirvikhanut Maligaq. Una vutiqtaunahurittuq unalu maniliqinirnut kivgaqtuiyi iniqhimayakhaat unipkaarutaa, atiliuqhimalugillu uqariiyangillu taamna ilitturvingit ilumuuqtumik.

Tamainnut Vutiqtittiniq: Hamna vutirvikhaq iniliuqhimaghaat iluani tamainnut vutiqtauhimavingit.

Illumuurnirmut Kammissina: Una inmikkut piliriyi haffumani Nunavut Maligaliurvik, amiqhaqaqhuni malikhugit haffumani Nunavut Vutirvikhanut Maligaq. Una palihinirmik havaangit uumanilu Illumuurnirmut Kammissina unalu Vutiqtuliriyini Atanguyaq ihivriudjarikhivlugit ihumagiyangit vutirnikhanut pahijakhaunnirnut.

Apiqhuiniliqinikkut nalunaiqhiiyangit: Una apiqhuiyi haffumani Nunavut Apiqhuiliqinikkut kititiqhimaffaaqpagaat tamaat vutirutit haffumanngat vutiqtauhimavingit. Taimainniqqat malruk vutiqtauhimayut aadjigiiktumik naahautiqarniqqata vutiqtaunirnut aadjigiinngitkaluarumiluuniit vutiqtakhanut – iluani 2% akulliugumik. Takulugu Nunavunmi Vutirvikhanut Maligaq qanuq kititiffaarnikhanut taimainniqqat.

Maligaliurvik Nunavunmi: Pukuknahuariami inungnut vutirnikkut. Uumani nunallaami vutiqtakhanut vutiqhimayavut Ministautigut.

Maligaliuqtit: Inuit vutiqtauttaqtut Nunavunmi vutirnamit; inuit hatqittittaqtut Nunavunmi Kavamakkunnit

Ingilrayut vutirvikhaq: Iniliurvikhaq vutiriami anilaitkuvit vutiriaqturiami. Vutirvikhaq ilingnungaulaaqquk.

Naunaitkuhiq Vutirvikhaq: Takunnaqtuq atingit turaarutaa naunaitkuhiq akulliriit vutiqtaunahurittut iluani nirurvikhanut, unalu maniliqinikkut kivgaqtuiyunlu unalu vutiqtaunahurittumut kamayi. Una Vutiqtuliriyini Atanguyaq turaarviuvaktuq vutirvikhanut naunaitkuhiq 30 nit ublungani Vutirvikhanut Ublungani vutiqtautinnatik.

Nunavut Vutirvikhanut Maligaaq: Hamna maligautait taamnaguuq Nunaunmiut parnautigivagaat amiqhaivlugillu nunallaami vutirvikhanut.

Uqariiyaut: Ihuaqhaqtaaqhimayuq, maligautingit ukpiruhuutaayuq hunaniglikiaq ilumuuntuq; una ukpiruhuutit pinahuarumik. Vutirvikhanut piliriyit uqariiqhimalaaqtut ilaliuqhimanngittuq havaamingnut; vutiqtauyut vutiqtaunahurittut uqariiqhimavlutik MLA inikhainut.

Apirhuutinut vutirniq: Piyumayunut vutiqtit kiuyakhaat apiquutinit uqaqhimaittumik vutirunmik, vutiriami tunihiyangillu ihumagiyangit haffumani ihumagiyangit kitunuliqaak ihumaaluutiqarniqqat. Una vutirniq tamainnut Nunavunmiunut, uumani vutirniq humiliqaak nunaligyuangat humiittukhauyuq, uuminnganlu taangnarniq vutirniq.

Una vutirniq malittiaqhimayauyukhaq – hivuliqtit kivgaqhimayakhaat inuit vutiqhimayamingnit. Uuminngaluuniit hamna vutirniq malikhimaittumik-hivuliqtit naalattiaqhimayakhaat qanuq inuit niplautigihimayangit, kihimi angiqhimalaaqtut qinngihimalaaqtulluuniit qanuq vutiqhimanngitkaluaqhit.

Vutirvingmi titiraqti (PC): Una vutirvingmi titiraqti havaktuq uvani vutirvingmi uumanilu DRO. PCt amirivagaat vutirvikhanut titiqqangit.

Vutiqarniq titiqqait: Titiraqaqtut tamainnut inuit atingit vutiqhimagaluaqtut vutiqarvingmi, allannguqtaugumik vutiqtit titiqqainut, naunaiqhiivlutik qanurilinganingit vutiriaqtunut.

Vutiqarvik: Vutiqarvik, malruk amihuugumigluuniit vutiqarviit. Akulliuyuq vutiqarvik ikayuqtiqaqhutik himmauhikhanut vutirvikhaq piliriyi (ARO) unalu atiliuqhimanikkut titiraqti (RC).

Nunaliit uuminngat Iqaluit Kangiqhiniq atauhirmiunngittuni amihuuyut vutiqtauhimaningit. Una Vutiqarvik uvani nunalingnit ARO unalu RC qaqhutik akulliriit vutiqtauhimavingit.

Vutiqarvik: Namullu vutiqtit vutiriaqtuqtukhat.

Vutirvikhaqtaarutaa: Una 60 nit ublunganit Vutirvikhaq Ublungani vutirvikhaqtaarumik. Vutiqtauhurittunut turaarvigiyakhaat iniqhimayangit maniliqinikkut himmauhikhaat uvunga Vutiqtuliriyini Atanguyamut nutqaqtinnani kinguani-vutirvikhaanit.

Vutirvikharnahaarniq akiliakhaa: Una vutirvikhaanit akiliakhaa una vutiqtaunahurittunut akiliqtakhaa uvani vutirvikharnahaarniq.

Vutirvikharnahaarnirmut ubluit: Tamainnut vutirngnirmi, ubluit pigiaqattaqtut 90 ubluit vutiqtittinirmut tilihidjut hatqitaungmat taimaaqhunilu Vutiqtuliriyini Atanguyaq vutiqtittinirmut tilihidjuti hatqitimmagu.

Vutiqtittiffaarnirmi, ubluit pigiaqataqtut ublurmi inungnut tuhaqtidjutaungmat vutiqniq taimaaqhunilu Vutiqtuliriyini Atanguyaq vutiqtittinirmut tilihidjuti hatqitimmagu.

Anitittiniq: Una ilitaridjutinga titiqqak Kammissina turaarvigiyaat Vutiqtuliriyini Atanguyamut uqaqhuni vutirvikhaqarniaqtuq. Una anitittiniq tukiqaqhuni hamna Vutiqtuliriyini Atanguyamut qakugu titirariaqaqtangit ihuaqhainikhanut ublukhaaniglu Vutirvikhaq Uplungani.

Vutirumayup tiliurutaa vutirniq: Una vutiqti aallamik vutiqtinik vutiquivluniuk. Atiliuqhimayakhat RO nut vutirumayup tiliurutikhamik ilitaridjutikhanik. Ilvit vutilaaqtutit uumani vutirumayup tiliurutaanut malikhimagungni pingahuuyut qanuringingagut:

- Ilvit vutiqtukhami titiraqhimaguvit; UNALU
- Hivayaqtauguvit aullaqhimaniaqtutit nunalingni; UNALU
- Qanuqtut vutiriaqturahuarnikkut vutilaittutit.

Kitunuliqaak Naunaitkuhikhaq Vutirvikhaq: Vutiqtuliriyikkut Nunavunmi naunaitkuhiliqpaktut Ilitturvikhainik naunaipkaqhugit inungnut vutirvikhaqarnahuaqtuq. Hitamauyut ilittuqhimaqaqtut:

- Ublunganit haffumani Vutirvikhaq Ublungani unalu qilamik vutiraqtukhat.
- Ilitturvikhanut Turaarutaa RO.
- Nutqarutaa titiraqhimayakhaat Maliktakhait Uqauhiniq Vutiqtauyumayunut.
- Nutqarutaa akiharnahuarlugu atinik uvani vutirvikhaat titiqqait.

Atiliurvikhaq titiraqti (RC): Una vutirvikhaq piliriyi havakhimayuq malikhugu RO uuminngaluuniit ARO atiliuriami vutirvikhait, uumani vutirvikhanut uuminngaluuniit vutirvikhaq vutirahuaqtinnani.

Naahaqtaungittuq vutirut: Una atiliuqtaaqhimayuq vutirut PIYAUNNGITKUMI vutiqtaunahurittunut. Una DRO/ARO kititiqhimagumik vutirunmit iluani vutirni qiyuqtaaniittuni qinngihimayangit vutirunmik tutqignaqtumik qanurilingayaugumik. Una inuk tautukhimagumiuk vutirunmik kititirningit qinngihimagumiuk uumani DRO/ARO ihumaliuqhimayangit, una vutirvikhaq piliriyit titiraqhimayakhaat qinngihimayauningit uvani vutirvikhamik titiqqainit.

RENU: Una qaritauyakkut vutirvikhaq amiqhaiyangit Nunavunmi; tukiqaqhuni Atiliuqtakhaq Vutirvikhanut Nunavunmi.

Utiqtitti (RO: Utiqtitti amiqhaivagaat vutiqtahimayunut. RO tiliuqhimayangit ARO, DRO, PC, unalu RC tamainnut vutirvikhanut. RO amirivagaat tamaita vutirvikhanut iluani vutiqtahimayunut.

Uqaqhimaittumik iluliutaa: Una iluliutaa ilagivluniuk avaliqanngittuq vutirnmik ilulikhaa. Una vutiqti atiliuqtaaraangat avaliqanngittuq vutirnmik ilulikhaa iluanunngaliqpagaat uqaqhimaittumik iluliutaanik. Una uqaqhimaittumik iluliutingit iluanunngaqpagaat ilitariyaunirnut iluliutikhaa. Una vutiqtit atiliuqhugu turaaqttivluniuk uvunga Vutiqtuliriyikkut Nunavunmi.

Avaliqanngittuq vutirunmik Iniliuqhimayangit nurariamik titiraqarvikkut ilinniaqhimaguvit ahini, haalatiqhimaguvit, aanniarvingmiitkuvit, mamiharvingmiitkuvit, itiqtauhimaguvilluuniit. Aallat vutiqtut atuqhimalaaqtut avaliqanngittumik vutirunmik. Iluliutimik tuniyauhimayut, malikhugillu titiraqhimayuq, titiraqarvikkuuqhugulu vutirutaa iluani iluliutaanik.

Ihuittumik vutirut: Una ihuittuq vutirut aadjiliurut adjiliuttiaqhimaitaa, UUMINNGALUUNIIT una vutirut taamna vutiqti ihuinaaqhimayaa. Una DRO tunihimayangit vutiqti nutaamik vutirunmik naunaiqhiivlunilu hivuani 'ihuinmat'. Taamna ihuittuq vutirut vutirut qiyuqtimunngalaittangit.

Kiudjuhiq Vutiqnirmik: Una ilitariyauhimayuq Vutiqtuliriyikkut Nunavunmi atiliurviq takunnaqhuni qaffiuningit vutiqtut akulliutigiyangit vutiqtaunahurittunut vutirvikhanut.

Titiqqak: Una qaffiuningit titiraqhimayuq akullinga vutirunmik ahinunngayuittuq makpiraanmi vutirunmit. Una DRO aliktuihimagumiuk vutirunmi makpiraanmi, titiqqak aulayuittuq makpiraanmi.

Uqariiyaut: Una ilitaridjutit, ilumuuqtumik ukpiriyangit taamna ilumuuqtuq; ukpiruhuut huliniarumik; taamna ayurnarutaunnaqtuq. Una ukpiruhuut hiqumitkungni taamna maligautikkut hiqumitkungni. Una inuk uqariiqtangit uqaqhimavlutik Makpiraaqpangmi taamna ilumuuqtumik inmat. Uqariirniq aadjikkutaa ilittuqhainiq, uqariiyaut, uqattiarniq.

Vutiq: Vutiqtut naunaitkaqtut uqaqhimaittumik vutirunmik iluani nunallaani vutirvikhaq. Pukukhimayaat vutiqtaunahurittuq iluani vutirutikhanut piyumayainnit vutirumayangit MLA khamut.

Vutiqti: Una inuk angiqtauhimayuq vutiriami iluani nunallaami vutirvikhaq:

- Kanatamiutauguvit.
- Nunavunmiutaq atauhirmik ukiungani Vutirvikhaq Ublungani.
- 18 nit ukiuqaqtut ungataaniluuniit uvani Vutirvikhaq Ublungani.
- Ungavaqtaunngittuq vutirumaniq.

Vutiqti Ilitturvikhaq Naunairut: Akulliit vutiqtut uvanngat vutiqtunut titiqqangit tunihyauyut naunairunmik titiraqarvikkut tatqiqhiutaani Vutirvikhaq Ublungani angmaumatilluni.

Vutiqtut titiqqangit: Una titiqqat vutiqtut hamna Vutiqtuliriyikkut Nunavunmi upalungaiqhimayangit akulliuyunik vutirvikhaanit. Vutiqtuliriyikkut Nunavunmi turaaqttivaktut aadjiliugaanit akulliuyut vutiqtaunahurittunut hamna vutirvikhat pilihaarniaqtilluni, nutaanngiqtirumiglu 20 ublungani Vutirvikhaq Ublungani piyariirniqqata.

Utiqtittiyip Affisianit vutirniq (VOR): Vutirvikhamaat Vutirvikhaq Ubluatinnani. Ilvit vutiqhimayakhat RO't Havagviani 14 ublunganit Vutirvikhaq Ublua angmaqtinnani uvunga 4 ublungani Vutirvikhaq Ublunganit angmaqtinnani, ubluqhiutaanut 12 ublummaanmit 7 munngaqqat unnuktumi nunalingni ubluqhiutigut.

Tautuktuq: Una inuk atiliuqtaaqhimayangit titiqqangit niplautigiyangit aalla inuup atiliuqhimayaa ilumuuqtumik atiliuqhimayangit. Uuminngatut, kinaliqaak ahikkut vutiqtaunahurittuq unalu maniliqinikkut kivgaqtinga tautukhimayakhaa atiliugainit uumani Uqariiqhimayangit Vutiqtittinikkut.

Vutiqtittinirmut tilihidjuti: Una ilitariyauniq ilittuqhainiq niplautigiyangit vutirvikhalik. Una Vutiqtuliriyini Atanguyaq turaaqtittiyangit akulliuyunit RO. Tamaat RO naunaipkaivakhugit nalunaitkutarnit maligaunmi qaitquiniq havagvingnut.

Hamna vutirnikkut maligauni ilitquiniq tunngaviuvluni maligaunmi ilitquinirnut. Taamna ilitturnaqhuni kinaliqaak takhihimayangit vutirnikhanut. Una RO titiraqhimayaat turaarvigivluniuk Vutiqtuliriyini Atanguyamut Vutirvikhaq Ublua inirumiuk. Una vutiqtaunahurittuq takhihimagumi uumani angiqtauningit RO titiraqhimayangit himmauhikhaat haffumani maligaunni ilittuqhainigut qilamuiqtumik.

Vutiqtaunahurittut naunaiyautait



Vutirnaqhitiagu

- Apirilugu atanguyat havarvingni maligaqariakhaita atuaganigluuniit maliktakharnik vutiqtaunahurinngurniaruvit – qimallariaqaruviuk havaat vutirnaqtillogu.
- Nanihilutit nakuuyumik manilqiyikharnik. Maniliuqyiuuttariaakhaa naunairlugu; naunaiyarlugulu atanianit havarviani.
- Nanihilutit nakuuyumik vutiqtaunahurittumut kamayikharnik. Nakuuyuq piqaruvit, kihimi piqariaqanngittutit. Naunairlugulu atanguyaaniit havarviani.
- Pihimalugit naunaitkutait atuqtauttaqtut vutiqtaunahuarnirmit maniktuutinit hivuanit vutirnaqhiniup.
- Parnaiyalirlutit uqarilugulu vutiqtaunahuarnirmut manikhanik maniliqiyimut kamagiyingnullu.
- Atjikkutainnik *Nunavut Vutirnirmut Maligap* taigurlugu kangiqhialugu. Ilihimalirlutit maliguayaarni maliganik.
- Apirilugu Utiqtittiysi tuhaqtittitjunmik vutiqtaunahuarnirnut titigarmik uvvaluuniit pilutit Vutiqtuliriyikkut Nunavunmi qaritauyakkuurviannit: www.elections.nu.ca
- Upalungairlugu qaritauyakkuuqtaqtuq piksat. Nalliutimayaakhaa naunaiqlugu Vutiqtuliriyikkut Nunavunmi qanuritquyainnut atulimainnaqhavaat.

- Naunaillutit kamagiyit tamaitalu vutiqtaunahuarnirni havaktut piqqamaaruququlugit hivullirmik ilitarimayayumiglu vutiqtaqtunik atiliuqhimayuk. AtuRIAQAQTAIT vutiqtaqtunik atiliuqhimayut vutiqtaunahuarnirmutuaq.
- Titigarlutit Vutiqtuliriyinit Atanguyarmut aallanguqtiquiguvit hivullirmut vutiqtaqtunik atiliuqhimayumut. Ilingnik naunaiqhilit, uqarlutit kitut aallanguquyatit huurlu.
- Ilihimalugu hannguvikhaa hanngupkaktitayup vutirviup, Utiqtittiyip unniutikpatit.
- Ihivriurlugu vutirviup titigait vutirnariiktunut hanngupkaktitayumullu, piguviuk Utiqtittiyimit.
- Ilihimalugit humiinniit vutirviit vutiqtauvingni, unniutikpatit Utiqtittiyip.
- Ilihimalugu nunangni upluqhiutikkut vutirvik Vutirviup Upluani.
- Nanihilutit atauhirmik kivgakharnik qunngiaqtukhamik vutirvingmi Upluani Vutirviup. Talvungaqtukhauyuq 15 minits angmaqtinagu vutirvik.
- Iniqtirlugu atiliurlugulu angirutit titiqqat tiliurlugit kivgatit atuni vutirvini Vutirviup Upluani. Atuni kivgaq inmi angirunminik titigaqariaqaqtuq.
- Apirilugu atauhiq vutiqtaunahuarnirnut kivgait nayuqulugu vutirvik Utiqtittiyi naahaitillugu vutiutinik Vutirviup Upluani.

Vutirviup Uplua

- Vutirlutit - vutirinngitkuvit.
- Naunaillutit vutiqtaunahuarutiqanngittutit vutirvingmi nunami, igluqpangmi inungiluuniit.
- Apirilugu vutiqtaunahuarnirnut kivgatit qaritjiqulutit atjikkutaanik Qanurinnia Vutirniup Tuglianit Utiqtittiyimit iniqtaugiaqqat.
- Ihivriurlugu vutirnirmut unipkaliugaq kilamik piguviuk Utiqtittiyimit.

Vutirviup Upluata kinguani

- Piiyarlugit tamaita vutiqtaunahuarnirnut hunavaluit kulit uplut kinguani Vutirviup Upluanit aniruqtinagit.
- Naunaillutit vutiqtaunahuarnirnut havaktut hunngiyaiqulugit utiqtitlutilluuniit tamaita vutiqtaqtunik atiliuqhimayut – paippaat qaritauyakkuuqtullu.
- Tunilugit manngit atuqtaunngittut vutiqtaunahuarnirnit maniliuqtiunngittumut timiuyumut kavamanganulluuniit Nunavut.

Ihumaliuruvit tuniniarlugit manngit timiuyumut, pilugit atit tuniyauviuttaqtut Vutiqtuliryinit Nunavut ihumaliuqtinatitkimut tunihiniariakhaa. Taaksiyaunmik pilutit tapkunanga titgaqtauhimayumik 'Vutiqtaunahuarnianut _____'.

- Naunaillutit maniliqyikpit parnaiyarniarait manngit titigait utiqtitauyarialgit ilvillu tuyurlugu Atanguyamut nunngutinagu vutiruivik- 60-tit uplut kinguanit Vutirviup Upluanit. Tuyuruviuk ilautilugit:
 - Tamaita ilangit iniqhimattiarlugit.
 - Naunaitkutilluangit atuni tamaitalu maniktuutit, ilautilugit akiliqtauhimannngittut.
 - Qaritauyakkut titigaqhimayuq titigait maniqarviup, maniqarvingmit aallamilluuniit tigumiaqtumit maniqarvingnik.
 - Angiqtauhimayut Atanguyamit maniktuutinut avatquttugu \$30,000 – tingmitjutinut, nutaqqiqiyiqarnirmut, maniktuutinullu vutiqtaunahurittup timikluutainnit.
 - Tamaita taaksiyautit naunaitkutait: atuqtauyut hunngiqhimayullu, Atanguyamit atjikkutait tunyauhimayut naunaitkutit. Ilautilugit TAMAITA taaksiyautit naunaitkutait titigaqhimayut Titigainni Taaksiyautit Naunaitkutait manilqiyip atiliuqhimayait pilihaaramigit naunaitkutit.

Akimaguvit vutiqtuni, tuniyariaqaqtat manngit titigait utiqtitauyarialgit ikhivaliqtinatit Maligaliurvingmi.

- ❑ Tukhirlutit Atanguyamit ilaurumalugu utiqtitivikhat manngit titigainnik, ilauriaqaruviuk. Tukhirlutit titigaqhimayukkut, nunngutinagu vutirniup kinguvaa. Atanguyap angirniaraa nakuuqpiagtumik pitjutiqaruviutTUAQ. Atanguyaq ihumaliurluni ilaurutitaukpat, akuniuyumillu ilauruhiup.

Qaumiyauli: Niruaqtauguvit Maligaliuqtimut, tukhiqtulaittutit ilaurumalugu. Maligaliurvingmit ikhivalaittutit kihimi Vutiqtuliriyikkut Nunavunmi pigumiuk qimilrulugu manngit titigait utiqtitauyarialgit.

Uktuutit Titiqqat

Hamna ilulia Maliguagakhami iniqtigakhanik titiqqanik atjikkutalik vutiqtaunahurittunit maniliqiyinillu atuqtaulluaqpaktut uvvalu ilihimayakhait.

Atuqtauniit Vutiqtaqtunik Atiliuqhimayut. Vutiqtaunahurittup atiliuqpagaana una ilumuurniaqhuni piqqamaariniaqhugit hivulliq ilitarimayauyuglu vutiqtaqtunik atiliukhimayut, aturlugillu vutiqtaunahuarnirmituaq. Tamaita vutiqtaunahurnirmi havkatullu imailiuqtukhat. Ilumuqtut utiqtinnaiaqhugit hunngiyarlugilluuniit tamaita vutiqtaqtunik atiliqhimayut nunngukpat vutirnarniq.

Tikkuaqhiniq Nutaamik Maniliqiyikhamik uvvaluuniit Vutiqtaunahurittumut Kamagiyikhamik.

Vutiqtaunahurittup aturniaraa una titigaq unniutiniarlugu Utiqtittiyi nutaamik maniliqiyimik kamagiyimigluuniit.

Angirut Iniqtigakhaq Vutiqtaunahurittumut kivgauyunut.

Vutiqtaunahurittup maniliqiyiplu atiliuqpagiat ukuat titiqqat. Atuni vutiqtaunahurittup kivgait piqariaqaqtut inmi atjikkutaanik iniqtigakhap tunilugulu Tuglianut Utiqtittiyip vutirvingmungalihaarumik.

